

վրայ առաջարկելով Ասրայրի դաշտը տեղադրել Կարագիադինի հարթավայրի մօտ՝ Կոտուր գետի ձախ վտակ Ակ-չայի ափերին»¹:

Իրօք, Հ. Աղաբէկեանն առաջին անգամ էր մանրակրկիտ անդրադառնում Ասրայրի տեղորոշման փաստարկներին, ընդ որում նախապէս ժամանակագրական հերթականութեամբ եւ 8 կէտերում ամփոփելով տուեալ հարցադրման մասին մինչ այդ եղած գրեթէ բոլոր տեսակէտները²: Մեզ համար առաւել արդիւնաւէտ կը լինի՝ վերաշարադրելու փոխարէն ստորեւ թարգմանաբար վերարտադրել (որոշ ծանօթագրումների յաւելումով) Հ. Աղաբէկեանի այդ կէտերի բովանդակութիւնը.

«1. Հայաստանի քարտէզում, որը կազմուել է 1751 թ. Վենետիկի Մխիթարեանների կողմից, Տղմուտը արդի Մակու-չայ (Չանգեմար) կոչուող գետն է: Իսկ նրանց իսկ կողմից 1849 թ. հրատարակուած քարտէզում որպէս Տղմուտ է նշուած Մակու-չայի վտակ Ղըզլար-չայը: Այդ քարտէզում Չէյա բնակավայրի շրջանը³ նշուած է որպէս Ասրայրի դաշտ, հետեաբար նաեւ որպէս 451 թ. ճակատամարտի վայր:

2. Պատմաբան Կ. Կոստանեանցը Ասրայրի ճակատամարտի վայր էր համարում Ղարագիադինի դաշտավայրը՝ Չուրսից (Չորսից) հիւսիս⁴: Այդ հարցում նա համաձայն էր Գ. Շիրմազանեանի հետ, որը դեռեւս 1877 թ. «Արարատ» հանդէսում ապացուցում էր, որ ճակատամարտի վայրը նշուած դաշտավայրն է, իսկ Աղ-չայը⁵ հին Տղմուտ գետն է⁶: Գ. Շիրմազանեանի տեսակէտը, Կ. Կոստանեանցից բացի պաշտպանում է պրոֆ. Ե. Տէր-Մինասեանը⁷:

¹ Մարտիրոսյան 1988, 82-88:

² Агабекян 1967, 91-114.

³ Խորհրդային 1:200000 մասշտաբով ռազմական քարտէզում Չանգեմարի (նաեւ՝ Չենգեմար) նշեալ ձախ վտակը կոչուում է Ղզըլ-չայ (Кызылчай), իսկ այս գիւղը՝ Չաիէ (Չաիէ-Փային եւ Չաիէ-Բալա երկու գիւղեր Ղարաէյնի աւանից 10 կմ հիւսիս-արեւմուտք): Նշելի է, որ այս հովիտը Վասպուրական նահանգի **Մարդաստան** գաւառի հարաւային հատուածն էր:

⁴ Կոստանեանց 1877, 119:

⁵ Այս Աղ-չայը Վասպուրական նահանգի Թոռնաւան եւ Ճուարշ-ոտտ (նաեւ՝ Ճուաշոտտ) գաւառների տարածքով արեւմուտքից արեւելք հոսող՝ Կարմիր – Կոտոր գետի ձախակողմեան ամենամեծ վտակ պատմական Ճուարշն է, որի անունը պահպանուել է մեր ժամանակների Չորս-Չուրս գիւղանաւան մէջ (գետի ստորին հոսանքում, Ղարագիադին-Կարագիադին աւանի մօտ): Տե՛ս Երեմյան 1963, 64; Հարությունյան 2001, 366-367:

⁶ Տե՛ս Շերմազանեանց 1863; 1872, 423-427, 463-470; 1873, 185-188:

⁷ Եղիշե 1946, 300, ծնթ. 135՝ «Արտագու դաշտ...» (Բ, լրացեալ հրատ. մէջ՝ նոյնն է, տե՛ս Եղիշե 1958, 205, ծնթ. 118): Այս տեղադրութիւնն ընդունում էր դեռ